



UPINNAQTUQ AWARD
To celebrate and be proud of a person's accomplishments
Nunavut Law Foundation

Tuhaqtitaujukhaq Qilamik Tuhaqtitaujukhaq

Pijumajut niruaqtaujukhanik Ilihaqtunut Inulrammirnullu Ukiungani 2025-2026

Iidjiruria 16, 2026 - Nunavunmi Maligaliqinikkut Tunngavia ilitaqhiniagtut ilihaqtunik inulrammirniglu tamainnit avikturniani Nunavunmi nan'ngarilugu Apiqhuiji Beverly Browne, hivulliujuq angajukhiq apiqhuiji hapkunani Nunavunmi Apiqhuijini. Taamna Upinnaqtuq Aittuutikhaq nan'ngadjutikharnik havadjagiktunik hivuliqtuvakhimajuq, aulahimaanginnaqtuq ikajuinnaqhuni Nunavunmi nunalaangiinni, havakhimaanginnaqtuq inuuhirinikkut maligaliqinikkut, akhuurnaqtumik havakhimaanginnaqtuq ikajurianganik inulrammiinun. Pidjutigiluaqtaa Aittuutip quviahuutigilugit nakuunikkut iniqtaujut, tautuktaublutik uvvaluuniin kinali atuqhimaajuq uvvaluuniin inmi ajuqhautiqaqtuq.

Taamna Tunngavinga apirijaatit, ilaugavit nunagijarni (**ilaujut atanngujat, ilihaijit, ilihaqtunun ikajuutikkut ikajuqtit, timiujut, qujaginnaq ilaujut inungnun**), Niruariami kinamik tautuktipkaijuq hivuliqtunirmik, ihuaqhajjuq ajuqhautinik, atuliqtitaujuq ihumaalungnirmik, akhuurutaumigluuniit akhuuqtuq aallannguriami nakuujumik tautuktaujuq, tautuktipkaijuq nakuuqpiqaqtumik nakuujumik iniqtiqtuq mamihaingnani.

Niruarutikhat angmaumajun ilihaqtunun puqtutillaqaqtunun 6min 12mun ukunungaluunniit inulrammiinnun ukiuqaqtunun 10min 20mun. Ilihaqataujut uumani Apqutingit Inirninrut Iliharipaallirvingnut Iliharvik (PASS) ilihautikhat, tadjat atiliuqhimaajut iniqhiqjulluuniit ilihaqtakhamik kingullirni siksini tatqiqhiutini, pittaqaqtullu. Niruarianganik kinamik, tujuriaqaqtutin titiraqhimaajumik qaritaujakkulluuniit naunairutiqaqtunik huuq niruaqtaujukhaq pigiaqaqtun ilihairutikharnik ikajuutikharnik talvunga Nalini Vaddapalli uvani administrator@nulf.ca Hivulliuunmi, Qiqaijalirvia 23, 2026 nguqtinnagu.

Tun'ngaviat pigumikkiq tamainnik niruaqtaujukhanik titiqqanik, Katimajiita ihivriungniaqtait tamaita niruaqtaujukhat pukuktaujaanginni. Ikhivautalik ilitturipkarniaqtait tikkuqaqtauhimaajut aittuutunik tunijaujut tikitinnagu Tallimmiut, Qitiqqautijuuq 3, 2026. Maniktigut aittuutit tunijauniaqtut ilihaqtunun inulrammirnullu ukiuqaqtut 14nik avatquumajunullu, ilihaqtut inulrammiillu ukiuqaqtut 13nik ataani tunijauniaqtut aittuutunik pijumajamingnik, anginiqharmik qaffitaalaunia ihumaliuqtauniaqtuq Katimajiin tamaita uuktuutit pijaukpata.

-30-

Talvuuna Nunavut Maligaliqinikkut Tunngavinga:

Nunavunmi Maligaliqinikkut Tunngavinga maniliungittut timiqutigijaujuq maniaqtitajjuq uumanna Maligatigut Katimajiingit Nunavunmi, ikajuqtait tamaita apiqhuqtaunahuat havaktuq nunavunmi. Pinahuaqtait ikajurlugit uvvalu akhuugutigilugu maligaliqinikkut ilihimaniq uvvalu titiqqiqidjutta maligaliqinikkut Nunavunmi.

ᐱᐱᐱ ᐱᐱᐱ

Nalini Vaddapalli, Titiqqiqiji

☎ (867) 979-2330 • 📠: (867) 979-2333

✉ administrator@nulf.ca • 📍 3B-917 Nunavut Drive, Iqaluit, NU X0A 3H0